


D.



Teol. 5406.

*Isidoreus Ambrosius: Olypeus animatus D. Thomas
Aquinas Doctor Angelicus.*

C
A
D.
A

Contr
fo



Ecclesia
Freq

M. A
Philos

Ann

In Offic

7/3.

CLYPEVS
ANIMATVS
D. THOMAS
AQVINAS
Doctor Angelicus.

QVEM

Contra Hostes humani generis, Ignorantiam
scilicet & vitium, inexpugnabilem
Deprehendit.



ET

Anniuersaria Die illius

JN

Ecclesia Sanctissimæ TRINITATIS Ordinis PP. Prædic.
Frequentissimo Magnorum Virorum concursui
Panegyricè Delineauit.

M. AMBROSIVS SZALEWIC,
*Philosophia Doctor, Senior Scholæ B. M. Virginis,
in Circulo Cracouiensi.*

Anno Dñi. M. DCLXIX Die VII.
Mensis Martij.

Permissu Superiorum.

In Officina SCHEDELIANA S. R. M. Typograph.

IN GENTILITIVM STEMMA
Perillustris & Admodum Rñdi. Dñi.



220192 *iii*

*Infestis quoties campo concurratur armis
Vexillum effertur, conciniturq; tubâ.
Dum clangore Tubæ SIOVVIKOVVSKI personat Orbem.
Gloria quanta Crucis! gloria quanta Dei!
Ergo ïupi fugitote, Cracus, sat promptus in Arma:
Nam TVBA cum CRVGENunc, eius ouile tenet.*

JACOBVS ZARZECKI, Studiosus
Scholæ Rethorices.

A

Perillustri & Admodum Reuerendo Domino,

D. NICOLAO
SŁOWIKOWSKI.

S. T. & I. V. DOCTORI,
CANONICO ET ARCHIPRE-
SBYTERO, INFVLATO CRACOVIENSI,

PRÆPOSITO KIELCENSI,

Protonotario Apostolico.

Domino & Patrono obseruandissimo.



*Q*uem nuper D. Angelico Doctore, ad felicem illius ex hac vita transmigrationis commemorationem, vocali suade industriâ erexi Clypeum; eum nunc in paginam deduco, tibiq; offero Perillustri & Admodum Reuerende Domine. Et quamuis palam mihi innotescat, infra dignitatem tuam munus hoc esse, minusq; quàm ut in tanti Viri, cui de meliore luto finxit præcordia Titan, prodeat conspectum; tamen vel ideo illud Tuo presentare conspectui constitui, ut splendorem à præclaro Nomine Tuo auspiceretur. Est enim hoc illustribus Clarissimorum Virorum proprium splendoribus, ut vilia etiam suæ applicata luci, ingenita sibi collustrent claritate. Id ut ego cum opella mea experiar, nonne Gentilitia Tua Tuba ad id me animat, quæ tam sonora est, ut non solum vastum hunc Poloniarum Orbem, clangore Nominis SŁOWIKOWIANI repleat; sed etiam per florentissimas Italia diuagetur Regiones. Testantur hoc maiores Tui vitâ integerrimi, pietate, eruditione, humanitate, dignitate, semper conspicui, quorum singulorum explicare virtutes, & oratione recensere facta, chartæ istius angustia non permittunt. Sufficiet pro millibus unum, singulare decus & ornamentum ad præclari generis Tui commendationem, Ecclesiæ lumen, exemplar Cleri viuum Sapientiæ oraculum, Perillustri olim Patrius Tuus IUGTVS SŁOVIKOVSKI, S. T. & I. V. D. Canonicus & Archipresbyter Cracouiensis, Vir omni auo me-

morandus, cuius in pectore doctrina, Sapientia, pietas, religio, humanitas, perpetuum sibi fixerunt domicilium, quibus instructus, tanquam lucidissimus Sol Urbis huius Hemispharium illustrabat; adeo ut has ipsius eximias animi dotes nulla labentium seculorum obliuio delere possit. Quid verò de pietate in Deum, de liberalitate in egenos loquar? quas ille virtutes maximopere coluit. Testis est hac ipsa Archipresbyteralis Ecclesia, quam ille tot pretiosis apparamentis cultui Diuino inseruientibus adornauit, tot pijs foundationibus cumulauit. Testis hacce Cleri multitudo, quam redditibus destitutam, prouentibus auxit, dotauit, cumulauit. Testis & latè patens Italia ora, in qua ad promouenda in vltiori Sapientia gradu ingenia, pro inclyti huius Iagiellonici Lycei Professoribus compatriotis suis certum constituit prouentum. Felicem terq; quaterq; beatum Te quis non dicat? Perillustri & Admodum Reuerende Domine, dum ex eadem prosapia, non sanguinem modò genium, & spiritum, verum etiam auitas Maiorum Tuorum virtutes, quasi hereditario iure hausisti, traxisti, possedisti. Quis non videat in te horum omnium complementum, quibus mirifice excellis. Si consideremus animi Tui candorem, omni simulationis fuko destitutus es: si magnanimitatem, nullis fortune telis succumbere nosti: si naturæ lenitatem, affectu prono omnium tibi animos deuinxisti: si pietatem in Deum Sanctosq;, zelans pro Domo Dei exercituum alter Elias es. Et certè dum præclaris virtutibus excellis, Doctrina quoq; & eruditio celeberrimum Te reddiderunt, quas cum abundè possideas, non satis putas, illis priuatim, eminere nisi prudenter eas ad ouium Tue curæ commissarum gubernationem deuoueas. His itaq; virtutum tuarum & doctrinae splendoribus allectus, & officio meo compulsus, in conspectum Tuum prodeo, Clypeumq; meum, in signum debitæ obseruantia offero & dedico: apprecans ut DEVS Præpotens V. P. & A. R. D. Nestoreorum annorum cursum cum felici rerum successu donet ac tribuat. Suscipe Perillustri & A. R. D. hilari fronte pro innato tibi candore & humanitate hoc grati animi Symbolon, meq; clientem Tuum solito fauore & beneuolentiâ prosequi non dedigneris.

Vestræ Perillustri & Admodum Rndæ Dñis.

Cliens æternum deuotus,

M. AMBROSIVS SZALEWIC Philo.
sophiæ DOCTOR, Senior Scholæ
B. M. Virg. in Circulo Cracouiensi.

ORA.



ORATIO.



PLurimum equidem gaudeo, & Vniuerso literato Orbi, cunctisq; ad verum Doctrinae & Sapientiae per abstrusos & molestos, laborum calles tendentibus apicem gratulor; cum in sublimi hac & excelsae Doctoris Angelici destinata Panegyri constitutus exedra, pulcherrimum hoc phaenomenon, splendidissimum in Angelico Angelici Doctoris pectore intueor solem Auditores. Non enim iam amplius ad fumantem Cleanthis lucernam, aut ad tenuem Epicteti lichnulum, in exigua, & qualis inter densas opacae noctis tenebras identidem emicare consuevit luce, cum horrendis errorum monstris, cum terribilibus & plusquam Lernaeis vitiorum Hydris in certamen prodeundum erit, cum illius Ducis & Antesignani, faustum nobis illuxit Imperium, cui domi lucidi soles, domi splendida oriuntur sydera omnes caligines errorum ab animis procul discussura. Habet quod opponat nostrum saeculum pro vindicijs veritatis prae illa Sophorum Antiquitati, habet quo prae illa gloriatur, quod cum illa caeco impetu literata inter se committeret Capita, & ad exiguum lumen pro suis Sententijs in umbra opinionis proteruis ratiocinationum digladiari cogeret mucronibus, nostrum ita fulgeat, ita propitijs illustretur nitoribus, ut claro visus splendore orbatu sit est necesse, qui ad istum splendidissimum Aquinatici pectoris solem genuinam veritatis non videat lucem.

A

Iam

Iam ergo nullum ab humentibus noctis tenebris periculum, quæ Liuiano effato omnia ex incerto maiora territis ostentant, nullum à vanis & importunis discrimen terroribus, dum in aperta luce, cum nostris hostibus erit confligendū. Quodsi verò ad propulsandos veritatis hostes, tam copioso armorum apparatu gauderemus, quàm facilè amicam habemus lucem ô nos verè faciles! ô nos fortunatos. Pugnandum esse semper, & quidem eo militiæ genere, quo nunquam quies, nunquam otium conceditur mortalibus, quis vnquam dubitauerit? Debellandæ imprimis blandæ voluptatum Syrenulæ, quæ rigida quoq; ingenia ad se raperunt. Exturbandæ & inimicissimæ habendæ omnes Illecebræ latronum more quos Phyletas Ægyptij vocant. In hoc nos amplectuntur, vt strangulent. Persequenda sine modo, sine fine ignorantia, donec extra terminos generis nostri exterminetur. Nàm illi quoq; nec modus, nec finis est. Duro ac laborioso pede eundum nobis, per obstantes difficultates scientiarum, pugnandum cum latentibus causis, cum abstrusis perplexitatibus, quibus impares, etiam sublimes nobilium Philosophorū succubuerunt mentes. At vbi vires? vbi robur? vbi arma? Scio naturam indulgentissimam Matrem, quæ cæteris quoq; animantibus vsque in stuporem defensionem prouidit, nec hominem destituere voluisse. Scio dedisse leoni ungues, Aquilæ falculas, Elephanto proboscidem, tauro cornua, apro exertos dentes, erinaceo pungentes aculeos. Scio viperas veneno instruxisse, Crocodilum lorica texisse, serpentes hamato thorace, caneros testis operuisse; nos porrò præclaro rationis condecorasse munimento, quo in vitiorum & errorum bello vti valeremus, verùm quàm in his ipsis armis miseri, quàm infelices sumus, cùm iisdem non rectè vtentes, à nostris opprimimur hostibus quis ignorat. Quoties enim præualet ignorantia, succumbit ratio: quoties sumit vires malitia, iugulatur ratio: quoties triumphat scelus, cladem funestam subit ratio, & perniciæ cadit miseranda. Quid ergo? nullius ne igitur Herculis inuocabimus auxili-

auxilium in hæc monstra nullis armis instrui poterimus contra hos hostes? Ad sidera Aquinatica attollamus oportet oculos, vnde solem in ipsius pectore aduertentes, pro inexpugnabili nobis adaptemus scuto, quo omnes omnium hostium impetus reprimantur. Enimuerò si solem sub Centimani Briarei typo depinxit Antiquitas, quòd multis veluti manibus sublunarem hunc mundum tractet & in suo conseruet vigore. An non & mihi licebit Doctorem. Angelicum sub scuti emblemate vobis repræsentare, cui vniuersus literatus Orbis, suam defensionem, robur, vigorem, & conseruationem debet, transcribit, & meritò refert in acceptis. Fatendum est Sanctissime Doctor deberi hoc meritorum tuorum amplitudini, vt augustissimis quæ humanus inuenire potest intellectus honoreris Elogijs, maior es, quàm vt exigui temporis commendatione condecoreris, augustior, quàm vt à me balbuciente Oratore celebreris, cæterùm neque hic qui tibi à me pro Ecclesiæ tutela defertur titulus, exiguus est censendus. Scutum aliquando. Nauarreis Regibus pro throno Regio erat, nam in suis Coronationibus scuto insidentes in altum tollebantur, quod indicium erat, summum eis ius, summam in omnes subditos deferri potestatem, ac Regale diadema. Patieris ergo & tu, in vectigal debitæ obseruantia, à me hoc scutum tibi deferri, & tuo militi fauebis, qui pro ingentibus meritis, omne literatorum genus, omnium laudes tibi obligasti. Vos verò Auditores oro vt me Doctorem Angelicum scutum Ecclesiæ demonstrantem, Vestrae attentionis scuto. contra quosuis difficultatum impetus munire non recusetis.

Ac mihi quidem ad scuti nostri exactam properanti delineationem, innumera sese offerunt scutorum genera, quæ certatim Doctori Angelico in applausum prodire gestiunt. Occurrit imprimis horribille illud Palladis Ancile seu Ægiden dixerimus certatim squammis serpentū, auroq; politum, connexosq; angues ipsumq; in pectore Diuæ Gorgona, deiecto vertentem lumina collo; quod licet

omnium oculos & animos in sui raperet admirationem, ad
horrorem tamen & terrorem tantummodò valebat: quo-
ties enim illud Sapientiæ Dea concutiebat, toties horrido
metu eos percellebat, cum quibus acri decertabat prælio.
Offert se non tam admirandus, quàm potius ob Medusæ
vultum in eo exsculptum formidandus Persei Clypeus; qui
versos in se mortalium vultus infaxi indurabat asperitatem.
Prodit in lucem, non minùs felicissimi illius, electi populi
in terram promissionis lacte & melle fluentem Ductoris,
quàm fortissimi militis Iosue parma adinstar transparen-
tis speculi lucida, in qua omnium fallacium hostium stratage-
mata & fallaces infidiæ, ne aliquod illi cui præerat exercitui
adferre possent detrimentum notabantur. Sed nullum horum
in vestrum nobilissimum producere conspectum est ani-
mus. Exigua etenim hæc essent Diui Doctoris nostri lau-
dum monumenta. Scutum est Doctor Angelicus, quod ter-
ret & defendit, quod sternit & erigit, quod enecat & in no-
uam vitam animat, quod infidias detegit, sed insidiantes
tamen saluare mauult quàm perdere, tegere potius eligit,
quàm sternere, nisi fortè suo ipsi exitio miseri esse velint.
Ergo illud Romanorum cælitus lapsum Ancile quo Roma-
ni Imperij fata tenebantur? Magnum certè, nisi quod Scu-
tum nostrum totius Orbis fata prouehit sub vmbone Sapi-
entiæ suæ, ad securitatem. Ergo illud Troianorum Palla-
dium, quod quàm diu in Arce Pergami, in accurata Tro-
ianorum remanebat custodia, tam diu Troia felix, fortuna-
ta, nullis subiacens aduersitatibus, & à nullo hostium supe-
rabilis existeret. Valeret certè & istud, nisi quòd Diuus
Doctor totius Ecclesiæ Scutum est, quo quàm diu illa defen-
detur (defendetur autem in infinitas sæculorum myriades)
nullæ cuniculosæ. Hæreseos infidiæ, nulli infesti Schisma-
ticorum insultus, nulla impugnantium Paganorum tela
illius effringent integritatem. Ad extremum fortè illud
Græcorum, in quo Neptunum tumidi domitorem æquoris,
tricuspile insignitum fuscina: aut Phrygum, in quo Miner-
uam Oleæ & Sapientiæ simul inuentricem: aut Persarum,
in quo

in quo Lucidissimum mundi Ocellum, & Splendentis ful-
gorem Olympi, mira arte ac egregio opere efformabant.
Sed superat certè Diuus Doctor Neptunum, dum coortos
graues errorum fluctus in serenam componit malatiam,
superat Mineruam, imò totum Heliconem cum nouena
Aønij iugi turba, qui felicissimè omne scientiarum genus,
vnicus ipse suo ingenio est complexus, superat Solem,
cuius clarissima scripta non sepiæ atro liquore, sed radio
solari expressa videntur, ita vt cum vniuersa ista, tanquam
singula Diuus Doctor noster contineat, ne exigua quidem
sui parte, in hisce omnibus symbolis repræsentari potest.
Quod ergo Scutum, quem Clypeum, S. Doctore Angelicū
appellabo? Dicam eum Scutum Seruatoris Christi, quo
ille Ecclesiam suam mirificè protegit ac tuetur. Dicam
eum Clypeum fortium, Clypeum ignitum, quo tanquam
inexpugnabili muro Religio protegitur & circumdatur.
Dicam eum in compendio Clypeum Dei animatum. Quid
miramini Auditores Doctorem Angelicum Clypeum dici
animatum? An non & spiritum vitæ fuisse in rotis, &
super lapidem septem oculos in Scriptura legistis? An non
Deum ipsum Clypeum videntem, à Diuo Hieronymo di-
ci, non minùs ingeniosè quàm verè audiuitis. Est est ali-
quid in Diuo Thoma non humanum, est aliquid, quod
omnem mortalis humanitatis conditionem exuperat, est
aliquid quod eum Diuinæ non vulgari ratione propius
admouet perfectioni. Agè ergo qualis sit iste Clypeus inti-
miùs contemplemur. Homerus ille ingeniorum omniū
Coryphæus, qui in sua illa cæcitate, pinxit non scripsit
omniscium Illiados opus, monumentis literarum mandatū
reliquit, Clypeum Achyllis fuisse Diuorum artificio, ita
affabrè elaboratum, vt non duro & solido metallo con-
flatus esse, sed anima viuente constare videretur. Namq̃, iden-
tiden non solū in eo omnigeni apparebant colores, cælū
voluebatur, sidera rutilabant, terra complanabatur, mare
intumescebat, sed etiam vrbes insigni & magnifica structæ
opulentiâ cernebantur: quarum altera pace amabilis, alte-

ra bello aperto formidabilis: ibi segetibus, pratis, vineis
& arbuſtis omnia læta & conſita: hinc cuncta rapinis vaſta,
incendijs torrida, ruinis conſepulta, & noui oſſium agge-
res, decolores ſanguine fluuij eminebant. Præclariffimum
hoc Homerici ingenij commentum Diuo Doctore Angelico
conuenire, cumq; talem fuiſſe Clypeum, manifeſtè quis
non intelligat? Ac imprimis omnigeni illi radiabant ni-
tores, quos ingens intermediorum colorum numerus, pul-
cherrima mixtione diſtinguebat. Quis virtutum nitor,
quis piæ & Sanctæ vitæ color, à Diuo Doctore noſtro alie-
nus fuit? Carthaginenſibus olim placuit niueo colore al-
bentia deferre Scuta. At Diuus Doctore noſter, non al-
bedinem tantum in vita ſua vnice in delicijs habuit, ſed ipſa
nix, ipſum lilium fuit puritatis. Eſto enim clariffimâ Co-
mitum de Aquino ortus familiâ, à vitæ probitate, & corpo-
ris caſtitate mundanis auocari potuiſſet blandicijs, firmus
tamen & conſtans in ſeruando hoc candido caſtitalis lilio
permanſit. Aderant qui eum velut parmâ inglorium al-
bâ hoc colore voluerunt ſpoliare: aderant domeſtici hoſtes,
qui Angelicæ illius puritati nigram aliquam inurere macu-
lam geſtiebant: aderat pernix ſollicitudo familiarium, quæ
in eo omnem ſuam defixit cogitationem, vt Scutum hoc
noſtrum rubiginem aliquam contraheret. Immittuntur im-
primis in eum blandiſſimæ voluptates, quæ de propoſito
Sanctioris militiæ eum deiicerent: proponuntur diuitiæ &
potestas, quæ identidem Scuti noſtri circumuolantes ani-
mum, terſiſſimum illius nitorem, delicatis integerent aliis
ne cæleſtem lucem excipere poſſet. Oſtenditur dignitas
& voluptas, quæ admirabili circuitu laborarent, vt boni-
tatem inſitam delicijs, velut ſcincinno quodam interciperent,
& cogitationes illius à Numinis contemplatione auocarent.
Apparantur exquiſitiſſimæ Illecebræ, quæ Scutum noſtrum
torrente quodam immoderatæ abreptum impotentia, in
ipſum vitiorum præcipitarent fundum. Inſtruitur feralis
mulier, quæ omnibus delicijs & luxu diffluens (ſed parcam
domeſticis Doctore Angelici laribus, ne Angelicus Iuue-
nis

nis
poſſi
ſtru
cilla
mol
Cly
in d
euit
tate
reie
& ſu
dom
puri
nero
citia
præ
lum
uict
qui
TRI
cum
verò
nunc
illæſ
tus l
patie
tes q
rand
in ſc
rimo
ſtro
tudin
lis m
quo
tè ill
frequ

nis ipsa commemoratione gentilis probri crutietur) 'de
positi petra nostrum deiiceret Scutum. Quid Scutum no-
strum? nihil ad tam validos meretricios ictus pectore va-
cillans, nihil ad tot istas concussiones animo labans, im-
mobile, ac inuictum permansit, imò vt quondam Aiakis
Clypeus mari supernatans, feliciter ad portum appulit, &
in diu desiderata sibi Sancti DOMINICI Religione conqui-
euit. Reliquit domum. vt alij ambiunt; contempsit nobili-
tatem, vt alij affectant; comitatûs hæreditates amplissimas
reiecit, vt alij cupiunt; calcauit voluptates, vt alij quærunt;
& sub rigido S. DOMINICI instituto, sobrietatem elegit pro
domicilio, sapientiam loco prædij, Iusticiam, Veritatem, &
puritatem pro splendidis ædificiorum ornamentis. O ge-
nerosum Adolescentem! ô egregium Virginitatis & pud-
icitæ propugnatorem! ô victorem posteritatis memoriâ
prædicandum! Stupuit ad tantam fortitudinem ipsum cæ-
lum, hæserè attoniti Angelorum Chori, quis ille tam in-
uictus Athleta, tam animosus miles, tam strenuus pugil,
qui prodigijs defenderet pietatem. Spectauit de proximo
TRINITAS Sanctissima, & suos ad eum misit feciales, qui
eum ex parte Dei cingulo præcingerent castitatis. Decuit
verò nobilissimum Iuuenem balteus iste triumphalis, qui
nunquam flammis arsit voluptatis: debebatur Scuto nostro
illæsum robur, quod nullas admisit impressiones, & impe-
tus libidinis incurrentes. A niueo colore castitatis, ad roseû
patientiæ facilis est dictioni meæ descensus. Legimus mili-
tes qui primi Carthaginis muros conscendissent, ad deno-
randum singulare eorum robur, & inuictam fortitudinem,
in scutis suis rosas patientiæ Symbola à Scipione celeberrimo
totius Africæ domitore præferre iussos. In Scuto no-
stro Diuo Doctore Angelico, nonne patientiæ ac mansue-
tudinis, rosei purpureiq; colores nostris obuersantur ocu-
lis manifestè. Liceret vtinam videre nobis rigorem ipsius,
quo tenerrimam suam carnem affligebat, intueremur cer-
tè illum sæpius innocentissimo suo sanguine, ob nimias &
frequentes sui castigationes, è corpore profluente purpura-

tum,quàm olim Romanos hostili sanguine vulneratos. Videremus risus, ludibria, contumelias, ab eo Sparthana toleratas generositate: cerneremus fugientem ab oculis somnum, ab ore cibum, ab alijs membris quietem solius amore perfectioris vitæ: sed quoniam ea omnia vigil sui observator subtraxit oculus, ideò ad contemplandum cæruleum maturitatis colorem nostros referamus oculos. In Vlyssis olim Clypeo sculpsit Antiquitas Delphinum anchoræ alligatum, cui bina adiecit verba: festina lentè. Overè in tota vita Doctoris Angelici colorem sculptum! Nihil erat quod præclaro ingenio suo felicissimè sub magno suo Præceptore (nisi quòd iàm ille minor quòd hunc maximum erudiuit) non penetraret, & tamen suo ipse iudicio minimū se æstimabat, vt nunquam cum alijs de ingenij laude contenderet, ob idq; bos mutus passim à sympalæstritis suis vocaretur: sed nimirum sciebat Angelicus Iuuenis linguā mentis plectrum esse: sciebat frustra ibi ad verba festinari, vbi non sit ad charmonicas Sapientiæ leges mens benè compacta & temperata. Nouerat optimè concham, quia de rore cæli pretiosissimos concipit vniones, non statim sese aperire, sed longo interiecto tempore, roscido hiatu proferre margaritas; contra canalem quia vilia percipit purgamenta, statim etiam ea infusa refundere ac procul eijcere, ac proinde festinandum sibi esse lentè iudicabat. Diu satis nimirum vox illa formanda fuit, quæ ipsius Præceptoris Magni testimonio, totius orbis fines mugitu fuit repletura. Cæruleum maturitatis colorem proximum erat, vt exciperent flammæ inextinctæ in Deum eiusq; Sanctissimam Matrem pietatis. Alcibiadem olim scutum suum non patrijs accommodatū ritibus, sed flammifero exornatū amore gestasse; Cordubensium Legionem sub Pompeio stipendia merentem in suis parmis Imperatoris sui nomen exsculpsisse annalium testantur monumenta. At nos quid de nostro Clypeo dicemus? non minùs ille igneam amoris flammam, Magnum Dei viventis Nomen, suo pectori insculptum gestabat. Rapiebatur semper vt atomus ad Solem,

lem, ut magnes ad polarem stellam ad suum tendebat Con-
ditorem, ei se probare nitebatur, ab eo humilibus votorū
suspirijs inæstimabile Sapientiæ donum exposcebat, ei
omnes suas cogitationes, verba, & opera consecrabat; in
illius dulcissimo complexu, adinstar Phænicis in odorifero
rogo, in aliud vitæ genus soluebatur. Trahebatur ad inti-
mam dilectionem Beatæ MARIE Virginis, Magnæ Magni
DEI MATRIS, cuius cum olim pusillo ore tenellus infans
salutationem auidè nimis deglutijset, videbatur totâ vitâ
dulcedinem Mariani nominis intendisse. Celebret Antiqui-
tas Platonem, quòd in illius infantis labellis mellificassent
apes: deprædicet Stesichorum, quòd in eius ore luscini-
a cecinisset: laudet Midam quòd formicæ grana tritici in os
illius dormientis ingessissent. Cuncta tamen hæc Scuti no-
stri cedunt Pænegyri, cum formicis auibusq; ingeniosior,
melle cantuq; suavior, granis tritici utilior, non ore tenus
primoribusq; labris, sed in imò Diui Doctoris pectore, sa-
lutationis Angelicæ Cælestis hospes schedula resederit,
quæ tantum in eo pietatis ac deuotionis excitauit zelum,
ut velut flamma in noua summæ pietatis incendia sese di-
lataret. Quanquam cum ego multiplices Scuti nostri co-
lores, vestris repræsentò oculis, vrgeor infinitæ illius Sapi-
entiæ claritate, cuius inexhausta pressus amplitudine, ra-
tionem sermonis distinguendi vix reperio. In Clypeo illo
Homerico rutilabat ut dixi Cælum, complanabatur terra,
intumescebat mare, omnia elementa liquido puroq; colo-
re oculis sese offerebant. Diuus Doctor noster quid non
felicissimo suo complexus est ingenio? Non cælum tan-
tùm, sed ipsum cæli Conditorem felicissimè posteris decla-
rauit, quasi in ipsum mens, studium, ingenium, Pauli aut
Aug. mira metempsichosi transijset. Non sidera tantùm
sed admirabilem Diuinæ Sapientiæ, bonitatis, misericor-
diæ, iustitiæ, omnipotentia, magnitudinem labenti sæcu-
lorum æternitati accuratè descripsit, quasi non iam cum
Prometheo, ad solis radios de proximo spectandos, sed cum
Moyse, ad illam luce sua inuolutam, immensitate infinitam,

Maieſtatem clariffimè videndam acceſſiſſet. Non terram tantum, ſed quidquid in terra & ſupra terram occultum latet, quidquid coruſcat in fulgura, ſoluitur in aquas, riget in grandinem, cæruleo nubes colore pingit, quidquid in tot impreſſionum facibus ardet, ligat argentea glacie fluctus, terram innumeris diſtinguit floribus, quidquid in vitæ racemos, in palma dactylos creat, quidquid, in abditis conchæ venis Margaritas gignit, quò fluunt maria, quò aeris nubila deterguntur, quomodo ad gratas temporis vices hic dies, illic nox inducatur, quò ſtent Elementa, venti ſpirent, creſcant arbores, ſentiant animantes, ſolertiſſimè eſt ſcrutatus, acerrimè contemplatus, & faciliſſimè omnibus reuelauit. In Clypeo Homericò bella & horribilia tormentorū fulgetra aciem humanam perſtingentia, triſteſq; contumacium populorum (qui in eam cædium ſeſe profuderant fertilitatem, vt communia faſtidientes fata, mori recuſarent perimi gauderent.) ruinæ & vaſta ſolitudo hoſtibus fugatis ingerebatur. In Sanctiſſimo Doctore noſtro quot verba, quot articuli, tot fulmina ſunt, quibus iurata Hæreſeos contumacia ſternitur debellatur. Catena eius aurea quid niſi compedes ſunt, quibus temeritas humani intellectûs captiuatur. Libri Contragentes, quid niſi armamentarium, ex quo omnis depromitur armatura ad hoſtes fidei ſuperandos. Summa Theologica inexpugnabilis Turris eſt, ex qua mille dependent Clypei, quibus proteguntur boni, obſtinati oppugnantur. Quotlibeticæ Quæſtiones lectiſſimæ Sagittæ, quæ nunquam abeunt retrorſum, quin aliquem in erroribus humanis gloriòſè conficiant. Epinicia Cantica ſuaviſſima tela ſunt amoris, tela charitatis, quibus ſauciatur animus & vulneratur, mortiq; omni vita dulciori etiam in hac corporis ſtatione componitur gloriòſè. Sentiunt bellatorem hunc Clypeum Hæretici, & ingemiſcunt, hocq; Scutum Eccleſiæ, omni aſtutiores Vlyſſe eripi optant, cùm Bucero clamantes: tolle, tolle Thomam, & diſſipabo Eccleſiam, facilius cætera arma, ſi hoc vnicum extorſerint ſe ei confidentes adempturos. In

altera

altera Clypei Homericæ: parte pax florebat pulcherrima
societate bello iuncta quasi nec pax quidem sine armorum
præsidio esse posset. Vnde memini quendam pinxisse ma-
num sub Clypeo ramū oliuæ præferentem, ut palam osten-
deret, eam demum florere ac stabilem permanere pacem,
quæ Clypeo roboratur. Quod in Ecclesia Catholica Hal-
cedonia, sint, quod omnia pace amæna vigent, quod omni-
bus beata tranquillitatis serenitas illucescat, quod ab Hæ-
reticis securitas est, quod tumultus non immurmurant, no-
stro Clypeo defensori debemus. Hic Clypeus dirimit li-
tes, sub eius umbra nobilissimi omnium Philosophorum
& Theologorum vernant flores: quidquid in Logicis inuo-
lutum euoluitur, in Phisicis argutum explicatur, in Ethicis
difficile deceditur, in Politicis prudens & sanum statui-
tur, quidquid in omni scientiarum genere reconditum,
mentes sua obscuritate torquere desinit, huic Clypeo de-
betur. Illi facile hanc laudis adoream omnia tribuunt in-
genia, quod cum monstris hæreseos digladiari non cogan-
tur, sed nobilissima sua cōmenta fertili partu, & maximā
copiā in publicam fundant lucem. Ferox ille monstrorum
domitor Hercules, cum magnum canum, circa Apollinis
Delphici Templum, obuersari cerneret numerum, qui non
tantum deuotionem hominum suis impediabant latratibus;
sed etiam vias obsidendo in obuios quosq; morsibus sæuie-
bant, eosq; à Templo procul arcere vellet, clauam suam,
quā ad varia monstra domanda utebatur, in delubri attrio
posuit. Mirum dictu, tanto perculsi sunt terrore canes, ut
procul ab illo recesserint loco, nec vltra vllam adeuntibus
Templum exhibuerint molestiam. Cælestis Hercules De-
us Præpotens, prænoscent in Ecclesiam Catholicam infen-
sos Hæreticorum acuendos dentes, hunc Clypeum in sua
Ecclesia opposuit, ne hæresis semper latraret, ne tanquam
ferus: Leo de syluis, & singularis aper depasceretur eam,
sed cuncti in ipso pacis complexu quiescerent, resq; suas
pro Ecclesiæ utilitate agere possent. Adhuc Clypeus ille
Homericus viuentē constabat anima. An non & Clypeus

noster animatus est? quo omnes docti animantur. An non animatus? qui veram intelligentiam, veram Sapientiam, quæ mentis nostræ anima est, omnibus mutuatur. An non animatus est? à quo instruuntur rudes, expoliuntur hebetes, erudiuntur ignari, saxæ prope statuæ præ stoliditate, in humanam formam reformantur. An non animatus est? in quo velut in compendio omnium Philosophorū, omniū Theologorum doctrina tam clarè continetur, vt propè spirare videatur. An non ad extremum Clypeus noster animatus est? in quem ipse Paulus, ipse Augustinus, imò ipse Saluator suam animam transfuderat. Iactet se vt vult Aristoteles se fuisse Platonis mentem, blandiatur sibi de tanto Discipulo Plato, eumq; veritatis appellet Philosophum. Noster Diuus Doctor ipsius Christi mens fuit & anima, dum ita eius arcana, Angelis etiam abscondita penetrauit, vt ipse Christus, commodata ligneæ effigiei voce, illud de eo protulerit: Benè scripsisti de me THOMA. O pulchrum elogium! ô laudem admirandam! Coronate Romani vestros Imperatores Clypeis in circuli formam elaboratis, offerte vestro Martio Viro fortissimo, Clypeum argenteum, pond. 138. quod post cæsos in Africâ Scipiones, Rem Romanam in pristinum reposuisset gradum. Præferte alios Clypeos argenteos decem Quinctio cum victoria redeuntē. Sufficit nostro Diuo Doctori pro omnibus coronis & triumphis, Saluatoris nostri elogium, sufficiunt pauca verba, ex quibus Coronam laudis tam merito contexuit capiti, sufficit pro mille militaribus acclamationibus Basilica Diuina vox benè scripsisti. Reliquos Clypei nostri colores quibus totum Cælum, imò Sanctissimam Triadem, in ortu suo & nostris sedibus occasu recreauit, fileo Auditores, & sub huius Clypei vmbra, veluti sub testudinem Romanam me recipio, ne maiori victus difficultatum pondere cogar succumbere. Nisi quod tibi tandem candidissima Religio in gratulabundas exurgere voces æquum est; quod ex tuo armamentario, DEVS tam formidabilem hostibus, tam salutarem Ecclesiæ, prompsit Clypeum: vester quidem Oratio illos

do illos Ecclesiæ milites parturit, qui sunt ex fortissimis
Israel, omnes tenentes gladios, & ad bella doctissimi, vni-
uscuiusq; ensis super femur suum, vt verbis vtar Solomo-
nicis. Vestri sunt Caietani, Bellouacij, Bannesij, Medinæ,
Aureoli, Soti, Capreoli, Durandi, Henrici, Soncinales,
Flandriæ, Ferrarij, Hugones Victorini, Turrecremata, Al-
berti. Magni, Herrera; Nauarettæ, Lopæsi, alijq; innumeri;
sed ab huius tamen Clypeifulgore, omnis aliorum gloria,
veluti à maiori luce intenditur, augetur, cumulatur. Nimi-
rum sicut olim à Sagittis Herculis, tota Græci exercitûs ad
Troiam fata, totus decennalis belli pependit exitus, nec
prius nutans inter partes fortuna, Achiuas acies respexit,
quàm felices sagittæ baiulo Philoctete castris illatæ, feli-
citatem Græcis, exitium Troianis attulerunt: ita à Clypeo
hoc Thomistico, omnis securitas dimanat, & Religioni
Orthodoxæ victoria, Hæresi horrenda venit strages. Ap-
plaudimus tantæ felicitati, vouemusq; diu viuas fortunata,
diu pugnis inclyta Religio, & feliciter cum Clypeo tuo
vincas. At tu lectissima Auditorum, Corona hoc Scutum
à me prompta manu cape. Dicebant olim Lacænæ, filijs
suis ad bella profecturis tradentes scuta, aut cum hoc, aut
in hoc: id est, aut cum hoc pugnando vincas pro Patria,
aut in hoc addictam Patriæ animam reddas, & supremo
virtutis conatu exhibito, gloriosè moriaris. Scutum ego
vobis ostendi, contra ignorantiam & vitium, duos huma-
ni generis hostes, cum hoc pugnete, in hoc spiritum fun-
dere ne recusate. Si enim non nemini Græcorum militû
obtigat, Scuti sui beneficio, in prælio nobile caput pericu-
lis obiectare sine vlllo salutis discrimine, post cladem verò
sui exercitûs, in eodem scuto per horrendos Maris fluctus,
gementia littora, & spumantes scopulos, ad desideratum
peruenire portum; quantò facilius vos, cum hoc Scuto
omnes vestros vincetis hostes, & securum vobis iter ad
æternitatis portum sancietis. At ego Sanctissime Doctor
in fine dictionis meæ, Scutum meum, umbram Oratio-
nis meæ, quâ tuis adrepebam fulgoribus, ad pedes tuos in

D

signum

signum subiectionis, quod olim in acie deuicti faciebant
ad pedes inquam tuos depono. Victus sum multitudine,
magnitudine, laborum te promerito laudandi; sed tamen
maximè mihi gratulabor, & verè me felicem, verè fortuna-
tum putabo, si nunquam à Tuo obsequio, seruitute,
cultu, clientela, fuero absolutus. In tali enim ser-
uitute viuere, hoc demum erit securè viuere, &
gloriosè triumphare D I X I.


*Ad Maiorem DEI T. O. M. Gloriam, Augustissima
Calorum Regina, necnon totius Caelestis Curiae
Honorem, Cedat.*



nt
ne,
en
na-



Biblioteka Jagiellońska



stdr0020011

